



Reglur leikskóla Fljótsdalshéraðs

Leikskólar Fljótsdalshéraðs starfa samkvæmt [lögum um leikskóla nr. 90/2008](#), reglugerðum um starfsemi leikskóla, [Aðalnámsskrá leikskóla](#) og Menntastefnu Fljótsdalshéraðs.

Námskránni er ætlað að vísa ólíkum hagsmunaaðilum í skólasamfélaginu veginn hvað varðar stefnu og hugmyndafræði leikskólastarfs. Leikskólinn er fyrsta skólastigið í íslensku skólakerfi og annast að ósk foreldra uppeldi, umönnun og menntun barna á leikskólaaldri.

Umsókn og innritun

Sækja má um leikskóla frá fæðingu barns eða strax og kennitala þess hefur verið skráð. Sótt er um leikskóla á heimasíðu [Fljótsdalshéraðs](#). Sækja þarf um leikskólavist fyrir lok mars ár hvert ef stefnt er að skólagöngu um haustið. Leikskólanám er að jafnaði í boði fyrir börn sem náð hafa eins árs aldri 1. september eftir því sem rými leyfa. Foreldrar fá upplýsingar um hvenær leikskólagangan hefst þegar barn hefur fengið inngöngu í leikskóla.

Skilyrði fyrir inngöngu í leikskóla er að barn eigi lögheimili á Fljótsdalshéraði. Barnið getur verið á umsóknarlista þótt lögheimili sé annars staðar. Úthlutunin er einnig háð því skilyrði að foreldri sé ekki í vanskilum með leikskólagjöld. Víkja má frá meginreglum um inngöngu nemenda í leikskóla ef sérstakar aðstæður krefjast þess.

Forgang í leikskóla eiga:

- Börn einstæðra foreldra
- Börn starfsmanna leikskóla Fljótsdalshéraðs
- Börn í elsta árgangi leikskóla
- Börn geta fengið forgang samkvæmt ákvörðun fræðslustjóra. Beiðni um slíkan forgang þarf að fylgja bréf frá félagsmálastjóra, félagsráðgjafa, lækni eða öðrum eftir því sem við á. Ef foreldri/forráðamaður hefur athugasemdir við niðurstöðu má vísa erindinu til fræðslunefndar.

Aðalinnritun í leikskóla fer fram í apríl-maí og er þá úthlutað leikskólarýmum í stað þeirra barna sem útskrifast og hætta. Börn eru innrituð í leikskóla eftir aldri þannig að eldri börn ganga fyrir þeim yngri. Vakin skal athygli á því að við innritun barns í leikskóla getur þurft að taka tillit til þess aldursviðmiðs og tíma sem er laus í leikskólum hverju sinni.

Leikskólaganga hefst á tímabilinu júní til september. Lítil hreyfing er á leikskólarýmum eftir að úthlutun lýkur fram til næsta vors.

Leikskólagjöld

Fljótsdalshérað greiðir að stærstum hluta kostnað við dvöl barna í leikskólum sveitarfélagsins. Foreldrar greiða leikskólagjöld í hlutfalli við vistunartíma og fyrir fæði barna sinna.

Upplýsingar um gjöld og afslætti er að finna í gjaldskrá leikskóla Fljótsdalshéraðs og er hún birt á [heimasíðu sveitarfélagsins](#). Ef um þriggja mánaða vanskil er að ræða er rekstraraðila heimilt að segja upp leikskólasamningi með mánaðar fyrirvara að undangenginni ítrekun.

Gjaldskráin er tvískipt:

- **Almennt gjald** fyrir hjón og sambúðarfólk
- **Forgangsgjald** fyrir einstæða foreldra. Sækja þarf árlega um að greiða forgangsgjald á þar til gerðu eyðublaði sem hægt er að nálgast hjá leikskólastjóra. Til að greiða forgangsgjald þarf foreldri/forráðamaður að vera skráður einstæður í þjóðskrá.

Innheimt er sérstakt gjald ef foreldrar virða ekki umsaminn leikskólatíma. Þar gildir að mæti foreldrar of snemma með barn eða saki það of seint oftast en einu sinni í mánuði er innheimt sérstakt gjald í hvert sinn.

Til að njóta systkinaafsláttar þurfa börnin að vera skráð á kennitölu sama forráðamanns og með sameiginlegt lögheimili. Greitt er fullt gjald fyrir yngsta barn. Systkinaafsláttur er samtengdur milli daggæslu og leikskóla.

Hægt er að fá fæðiskostnað felldan niður ef nemandi er fjarverandi 10 skóladaga samfelld eða lengur, ef tilkynnt er með fyrirvara.

Leikskólar Fljótsdalshéraðs eru lokaðir í 4 vikur vegna sumarleyfa og eru leikskólagjöld ekki innheimt á sama tíma. Hægt er að sækja um lengra gjaldfrítt sumarleyfi fyrir eða í beinu framhaldi af sumarlokun leikskóla. Beiðni um slíkt þarf að berast leikskólastjóra fyrir þann tíma sem leikskólastjóri setur.

Leikskólasamningur

Við upphaf leikskólagöngu skrifa foreldrar undir sérstakan leikskólasamning sem meðal annars kveður á um leikskólatíma, fæðis kaup og fl.. Leikskólasamningur tekur mið af reglum þessum. Gagnkvæmur uppsagnarfrestur á leikskólasamningi er einn mánuður og miðast við 1. eða 15. hvers mánaðar. Segja skal upp leikskólasamningi á eyðublöðum sem hægt er að nálgast hjá leikskólastjóra.

Óski foreldrar eftir breytingum á leikskólasamningi eða fæðis kaupum sækja þeir um það hjá leikskólastjóra á þar til gerðu eyðublaði.

Óski foreldrar eftir flutningi milli leikskóla skal sækja um það á þar til gerðu eyðublaði hjá leikskólastjóra í þeim leikskóla þar sem barnið er innritað.

Opnunartími og skipulagsdagar

Opnunartími leikskólanna ræðst af þörf hverju sinni og eru leikskólar í þéttbýli ekki opnir fyrir færri en 6 börn í upphafi og/eða lok dags. Að hámarki er gert ráð fyrir að leikskólarnir séu opnir frá 7:45 til 17:00.

Leikskólinn er lokaður á aðfangadag og gamlársgangur.

Skipulags- og námskeiðsdagar leikskólanna eru 6 á ári og er leikskólinn lokaður þessa daga. Framkvæmd skipulagsdaga er í höndum leikskólastjóra og þeim ráðstafað á þann veg sem

best hentar hverjum skóla. Skipulagsdagar eru skráðir á skóladagatal skólanna og auglýstir með a.m.k. mánaðar fyrirvara. Stefnt skal að því skólastjórnendur leik- og grunnskóla samræmi þessa daga eins og kostur er.

Samþykkt í fræðslunefnd 22.11.2016

Samþykkt í bæjarstjórn 07.12.2016